



Broj: 02/1-30-SL/21
Ilijaš: 15.02.2021.god.

OPĆINSKO VIJEĆE ILIJAŠ

PREDMET: Odgovori na postavljena vijećnička pitanja

VERNESA BEŠLIJA - vijećnica NIP-a

Pitanje: Ko i na osnovu kojih uslova može sa Općinom Ilijaš zaključiti Ugovor o obavljanju volonterskog rada, radi sticanja prvog radnog iskustva?

Odgovor:

Prijem u rad bez zasnivanja radnog odnosa (volonterski rad) u Jedinstveni općinski organ uprave općine Ilijaš se vrši na osnovu Pravilnika o jedinstvenim kriterijima i postupku izbora volontera VII stepena stručne spreme u općini Ilijaš br: 01/2-34-1727/18 od 24.07.2018.godine. Prema navedenom Pravilniku (član.2) volonter je osoba koja poslije završene škole VII stepena stručne spreme, odnosno visokog obrazovanja prvog (180 ETCS bodova) ili drugog ciklusa Bolonjskog sistema obrazovanja tražene struke (240 ili više ETCS bodova), bez radnog iskustva i prvi put se stručno osposobljava za samostalan rad u organu državne službe. Volonter mora biti prijavljen na Biro za zapošljavanje.

Prijem volontera se vrši na osnovu Javnog poziva za prijem volontera (član 3. Pravilnika). Postupak izbora prijavljenih kandidata provodi komisija (član 10. Pravilnika), koja vrši bodovanje na osnovu sljedećih kriterija:

1. trajanja nezaposlenosti nakon sticanja diplome VII stepena stručne spreme odnosno visokog obrazovanja prvog (180 ETCS bodova) ili drugog ciklusa Bolonjskog sistema obrazovanja tražene struke (240 ili više ETCS bodova) (uvjerenje sa Biro za zapošljavanje Ilijaš ili uvjerenje sa Biro za zapošljavanje drugih općina)
2. prosjeka ocjena,
3. lice bez jednog ili oba roditelja
4. invalidnosti i
5. intervjua.

Svaki od navednih kriterija je posebno bodovan. Ukoliko je kandidat prijavljen na biro za zapošljavanje manje od jedne godine može dobiti 3 boda, a ukoliko je prijavljen tri i više godine dobiva deset bodova. Bodovanje prosjeka ocjena je također na skali od 3 do 10 tako da kandidati sa najnižim prosjekom mogu ostvariti tri boda a oni sa većim ocjanama do 10 bodova. Ako kandidat nema jednog roditelja dobiva dodatnih 5 bodova odnosno 10 ako nema oba roditelja. Invalidnost se također dodatno boduje sa 5 bodova. Na intervju kandidat može dobiti od 1 do 10 bodova. Posebno se vodilo računa o kandidatima koji su prijavljeni na biro za zapošljavanje općine Ilijaš, za koje se dobiva dodatnih 10 bodova. Komisija nakon bodovanja sastavlja listu u skladu sa rezultatom koji se utvrdi dodjelom bodova prema navedenim kriterijima. Bodovna lista se oglašava na oglasnoj ploči i Web stranici Općine a izbor kandidata vrši općinski načelnik.

U slučaju povećanog priliva kandidata na biro za zapošljavanje, hitne potrebe za angažovanjem volontera ili zbog drugog opravdanog razloga može se izvršiti izbor i sklopiti ugovor sa volonterom po skraćenom postupku bez raspisivanja Javnog poziva za prijem volontera u Općini Ilijaš uz predhodno definisani zahtjev rukovodioca službi čiju opravdanost cijeni Općinski načelnik (član 15. Pravilnika).

U posljednje dvije godine svi prijavljeni kandidati na javni poziv koji su ispunjavali uvjete da budu volonteri su primljeni i sa istim je sklopljen ugovor o volontiranju. Na posljednji javni poziv je prijavljeno 8 kandidata i svi kandidati su primljeni.

ALAN ŠERAK - vijećnik SDP-a

Pitanje: Postavljam pitanje načelniku Općine Ilijaš, g-dinu Akifu Fazliću. Ko je prošao na javnom konkursu za prijem novih uposlenika u organ uprave, da li su isti povezani sa strankom SDA i da li se radi o svojevrsnom nepotizmu obzirom da postoje saznanja da su primljeni članovi porodice načelnika općine i predsjedavajuće OV-a Ilijaš?

Odgovor:

Na posljednjem Javnom konkursu za prijem državnih službenika, kojeg je provodila Agencija za državnu službu FBiH, objavljenog dana 11.09.2020.godine izabrani su sljedeći kandidati:

1. za poziciju Stručni savjetnik za računovodstvo -Karić Adna
- 2.za poziciju Interni kontrolor- Viši stručni saradnik- Bešlija Adela
- 3.za poziciju Stručni saradnik za sobračajnu infrastrukturu- Jasmin Mešetović
4. za poziciju Stručni saradnik za poslove MZ i informisanje- Gljiva Meho
3. za poziciju Stručni saradnik za zdravstvo, sport i kulturu- Salihović Salkuna

VERNESA BEŠLIJA – vijećnica NIP-a

Inicijativa: Podnosim inicijativu za obnovu porušenog objekta Osnovne škole u MZ Ljubina – selo Korita, a koji će se koristiti kao spomen soba šehidima i poginulim borcima

Odgovor:

Za predmetnu lokaciju na kojoj se nalazi objekat područne škole formirana je katastarska parcela, ali na istoj nisu riješeni imovinsko-pravni odnosi.

Učesnicima u postupku data je uputa od strane organa uprave da je najbrži i najjednostavniji način rješavanja imovinsko-pravnih odnosa izlaganje podataka na javni uvid, a ove aktivnosti su planirane Operativnim planom Općinskog načelnika u tekućoj godini.

Po rješenju ovog pitanja, mogu se pokrenute aktivnosti vezano za Vašu inicijativu.

MUHAMED HANDŽIĆ – vijećnik SBB-a

Pitanje: Kada će se boračka udruženja koja su na Budžetu općine Ilijaš sjetiti da urade idejne projekt za izgradnju spomen obilježja rahmetli lomadantu Hašimu Spahiću i njegovom saborcu Šemsi Baručiji na mjestu pogibije, te spomen obilježja ubijenim građanima općine Ilijaš na brdu Žerovanj

Odgovor:

Pitanje izgradnje navedena dva spomen obilježja su definisana Operativnim planom rada Načelnika za 2021 godinu.

ADNAN ABADŽIJA – vijećnik NIP-a

Pitanje: Dokle se došlo i da li se uopšte nešto radilo po pitanju projekta spomen obilježja u Crnoj Rijeci (Kamenica) – u zaseoku Nanići

Odgovor:

Za tri poginula borca-šehida, koji su poginuli padom Crne Rijeke 09.novembra 1993. godine i ukopani na dva mjesna mezarja u zaseoku Nanići – 1999. godine postavljena je Spomen ploča (sa njihovim imenima) u neposrednoj blizini navedenih mezarja.